

## کور اوغلودان دئمک

گون لرين بير گونو، آدين دئمه جه بيم بير کند تويونا چاغريلديم. او گون چوخ توي لارا چاغيرلارديم. اروميه عاشيق لاري نين آن چوخ سئويله ني ايديم. بيليرسيز كي اوزامان وارلي لارين توي لاريندا بير هفته بويو گنجه عاشيق لار چيخيش ائلردى. بويوك توي (داول) زيرنا و جلمان (هالاي) واختى دان سونرا كنده يئتيشديم. بير كنارا چكيليپ، آخشام يئمگي نه كيمين استراحت ائله ديم.

يئمكدن سونرا سازيمي كؤكله ديم، آياغا قالخيپ سازى سسلنديريب، بير ديوان هاواسى لا مجلسى آچديم. اورمودا هرعاشيق مجلسى سيني بو هاوايلا باشلار. ديوان هاواسينين شعرلري، عرفان يا دين مضمونلو اولار. توي صاحيبينه تويونو اوغرولو اولسون دئييب، مجلس اهليه اوژ توتوب دئديم. بو بير هفته ني هانسي دستانى ايستير سيز؟

- اصلى / كرم!
- كور اوغلو!
- غلام حيدر!
- عاشيق غريب/شاه صنم!
- ....

سونوندا كور اوغلو دستانى سئچيلدى و من بو دستانى باشلاديم. دستاندا منيم سازيم و اوخوماغيم، هامى يا خوش گليردى حتى، آرا بير انعام گليردى.

باش آغرىسى اولماسين، آلتى گنجه بو دستانى دئييب اوخودوم. مجلس ده  
بیر آغ ساققال دا واریدی و حاج آقا - حاج آقا دئييب اونا مجلسين باشيندا  
يئر وئرميشدیلر.

دستانى قورتاردیم و سازين كۆينه بين گنديريدیم كه بيردن حاج آقا دئدی  
كى:

عاشيق!!!

آغزين وار اولسون. بو بير هفته نى دئدين، اوخدون چالدين. چوخ دا  
گۆزل ایدی آما، كشكى(آرزو ائده رديم) كور اغلودن دئيه يدين!!!!

بورا بير اوستو اورتولو سؤز وار؟ دئيه فيكىرلشدیم. بير جاواب تاپمادیم!

- حاجى بس بو هفته نى ائله كورواغلو دا دئديك دا! جاواب وئردیم.

بو دفعه اوزونو جماعته توتوب، "اوندا بس غريبه كئف ائله ميشيك!"

دئدی...